

四庫全書

集部

欽定四庫全書

文苑英華卷九百十六

宋 李昉等 編

職官二十四

節度
三

邠寧慶等州節度史孝章碑一首

義昌軍節度使渾侃碑一首

邠寧慶等州節度觀察處置使朝散大夫檢校

戶部尚書兼御史大夫賜紫金魚袋贈右僕

射史公神道碑

劉禹錫

僕射名孝章字得仁本北方之強世雄朔野其後因仕
中國遂為靈武建康人曾祖道德贈右散騎常侍封懷
澤郡王祖周洛銀青光祿大夫檢校太常卿兼御史中
丞北海郡贈太子太保考憲誠早以武勇絕人積功至
魏博節度使終于河中晉絳慈隰等州節度觀察使檢
校司徒兼侍中河中尹贈太保其薨也大臣中書令晉
國公裴氏為之碑其名益顯公即侍中之元子母曰冀
國夫人李氏幼而聰悟父母賢而加愛焉及長好學遷

善秀出儕輩鄴下諸兒號為書生元和中太尉愬為魏帥下令掄材於轅門取大將家翹秀者為子弟軍列于

諸校之上公獨昌言願效文職太尉深竒之遂假魏州

大都督府參軍長慶二

集作三非

年常山衆叛害其帥沂國

公田司徒於帳下沂公發迹于魏人猶懷之詔命其子

布以尚書授鉞統魏兵問罪于此

集作北

疆且報家禍布

既啓行士氣不振渙然內潰獨與冗從之旅偃旗而歸百憤攻中卒自引決先侍中時為中軍都知兵馬使兼

御史中丞全師在野閔然推戴之請為假侯以鎮定中
貴人飛驛上聞穆宗夜召翰林學士草詔書以真侯命
之實有魏土從衆而合權也是歲公自攝官轉本府士
曹參軍兼監察御史賜朱衣銀印推恩以及子也一旦
跪於父母前進苦言曰臣切惟大河之北地雄兵精而
天下賢士心侮之目河朔間視猶夷狄何也蓋有土者
多乘兵機際會非以義取今臣家父侯母封化為貴門
君恩至矣非痛折節礪行彰信於朝廷無以弭識者之

譏寤明君之意節著於外福延於家乘時蹈機必不旋踵言訖泣下數行父俞母贊天性交感三心既叶萬衆潛化天子聞而嘉之曰彼真孝

集作有

子乃授檢校太子

左諭德兼侍御史充節度副使累遷至散騎常侍兼御史大夫賜金印紫綬既貳軍政事如命卿弛張損益得以參決潛革故態人知嚮方太和二年滄景節度使李全畧卒其子同捷竊據故地詔下以文誥弗革遂用大刑先侍中表請率先諸侯使元子以督戰制曰可公承

君父之命乃捐其軀一舉而下平原壓滄壘由是加工部尚書及王師凱旋上表願一識承明廬允之遂赴北闕下得覲於便殿上曰嚮吾始征滄州議者皆曰彼魏之姻也虜陰為寇謀吾發使數輩以偵之其還也僉曰爾父瀝欵於賓筵爾母抗詞于簾下願絕姻以立效其經始啓發出於爾心今滄海砥平策勲之日宜貴爾三族命爾父為侍中遷鎮于近地加爾禮部尚書相衛瀧三州為鎮以君之俾爾一門大榮以誇天下公拜稽首

謝父遷讓已爵禮無違者翼日詔下于明庭人咸曰史氏之寵光古無有也牙旗碧幢方指東道侍中以帳下生變聞泰極而否當歌而哭迎柩于路仰天長號因葬于洛陽之北邙山冀國夫人祔焉寢苦枕塊以所仇同天為大酷未幾詔舉金革之義起為右金吾將軍累表陳乞有司以違命督之興疾即路間歲擢授廊坊丹延等州節度觀察處置等使居四年遷鎮于滑一歲入為右領軍衛大將軍旋改右金吾大將軍又授鉞于邠土

孟秋至治所首冬、遭疾拜章入覲不克展和鑾條革之儀、薨于靖恭里之私第、享齡三十有九、當開成三年十月二十日上聞而悼之不視朝、一日贈尚書右僕射、明年二月歸葬于洛都、夫人瑯琊王氏、祔焉、繼室深澤縣君博陵崔氏、有一子曰煥、生七年而孤、僕射之喪、自復魄至、葬當門戶、備祭祀、建碑表、皆縣君之能、且命其家具、事功來請曰、嫠不恤家而憂幼嗣、不知其先人之宦業、乞詞以傳于後也、君子以為知禮、謹書之、銘曰

斗極之下崆峒播氣鍾于侍中孔武且貴奉上致命宜
昌後嗣僕射承之良弓不墜耳煩鉦鼓心悅文字虎穴
之中生此騏驎太和紀元滄景不度子弄父兵跳踉海
壖有隣陰交蝟起雞連詔下薄伐良隅騷然時惟侍中
實統魏師蓄銳未發衆心危疑僕射為子陳謀盡詞興
言涕零有感尊慈絕姻効節精貫神祇滄波底寧王命
褒之乃遷元戎來鎮近畿乃昨元子別建旌麾一門四
節焜耀當時倏忽變生魏郊紛披喬木雖大盲風不知

干雲之臺列缺焚之哀哀孝嗣丁此大酷迎護幃輅葬

于東洛訴天觸地血染纓服禮有金革詔書敦促不遂

枕戈驟膺推轂雕陰白馬暨于邠谷雖榮三鎮不荷百

祿綺紈之間珪組纍纍如彼晨葩日中而萎有妻名家

有子稚齒行號執禮歸窆蒿里洛水之陽脩集作循邛之

趾尊穆敬恭集作尊卑穆敬幽顯同理舊松新松集作栢亦象喬

集作橋梓刻石紀功垂千萬祀

義昌軍節度使渾公神道碑 路 巖

叙曰天業光昭寶臣間出雲臺重沓旂常紛綸吾巨唐
乎鎮寧社稷纘揚忠烈勲居第一代代不絕其渾氏乎
能遵祖法不失家聲立朝守土所居可紀其康公乎公
諱侃字復貴其先姜姓之後漢郡渾邪王之裔始居于

峻北後遷于河南今為代人為山西右族七代祖潭仕

隋玉鈴衛大將軍生迴貴以兵從我高祖神堯皇帝佐

平暴亂拜豹韜衛大將軍

唐宰相世系表
有靈丘伯三字

生元慶為右

玉鈴將軍

表作鎮國
大將軍

靈邱伯

表無此
三字

生大壽為太子僕

表作大僕丞

贈廣府大都督生釋之為開府儀同三司太常

卿寧朔郡王廣德中拒扞西戎身歿王事贈司空公大

父諱瑊朔方副元帥河中節度檢校司空中書令咸寧

王贈太師有大勲績其秩祿封賞埒汾陽西平皇家中

興此三人力也父諱鎬義武軍節度易定觀察使檢校

工部尚書贈太子少保取隴西李氏女實生公公為兒

時則柔敬敦厚篤志於學九歲由弘文生擢孝廉第釋

褐參同州軍事既冠益以通敏密靜稱於人

一無此三字

因

從先少師于藩方不忍去庭闈諸侯有以幣以馬聘者
一無所就元和十二年先少師奉詔以中山兵伐叛而
卒與寇遇以數千當數萬力戰而歸坐黜循州公憂蹙
內結晨夜在側從容道否泰之理以解發於至誠少師
為之洒然少師薨屏勺飲壞容貌幾不全者數矣嚴護
踰大江長號動神明親友見者莫不悽惻憂其困絕往
往罷弔既而外除大戚不衰遂退不肯仕居處飲食若
執喪者是時朝廷循集作脩勲臣後或言曰咸寧功累代

不可及其子身當聖朝以譴終未復無以示天下執政
立言之天子感其事趣詔盡還少師爵土由是勲閥之
家皆喜長慶中又有言公之材行不宜在閭巷者上亦
以追顯咸寧功德未足遂授公右龍武軍倉曹參軍歷
太常寺主簿太府寺丞由是以吏事自喜明習文法咸
寧王股肱王室卑體下士召置幕府得一時之人少師
仕官早成不廢法度有譽於士大夫間公又修潔謙遜
辭禮閒雅由是仁人與之遊長者訪其廬矣稱述日甚

聞於庭中擢為左贊善大夫轉太子僕能勤其官改太
府少卿始用利器貨泉事聚不頓鋒銳益為試可一日
昭獻皇帝讀國史至咸寧王卒嘆渾氏時無大官者欲
用公未有緣即日以銀魚袿襖賜之俄拜金吾衛將軍
寵以金紫公愈益小心俯僂不暇武宗時至太僕卿以
謹良選宣宗即位改少府監以繕理稱又拜左金吾衛
大將軍肅環衛明年遷司農卿練經制每以處逸樂悖
勤勞非忠也求出補吏不憚劇郡久之壽陽歲數饑有

盜賊上選能理者丞相舉公可用公至則猛糾緩化曉
告慰養先是有貨茶盜鬪變難制至是皆解散走匿又
芍陂之水溉田數百頃為力勢者幸其肥美決去其流
以耕公隄防約束水復盛溢沃野之利歲歲增多徵為
殿中監服用如法項之為昭王傳多稱惜之再為少府
監遷檢校工部尚書金吾大將軍日在彤庭宣宗器其
能遂賜高牙暢轂鎮于回中公門有將帥風習知四夷
事以故綏邊之績不日而成西戎闕種王蒙數為邊害

公曰西戎剽劫亦常事不煩兵鏖可以信取諭以咫尺之書果相率遁去居無何又遣其舍人董英粲歸誠且貪錦繡物公必其善意乃許互市竟不敢負約反覆初有成卒子為族長所掠奴畜之至是董英粲輒購而歸之曰用報德關城無警早開晏閉矣邊兵之衣輦自京師吏緣為奸纒帛悉濫公始周察變法犯必收按至乎聚給親往觀之舊調軍食倉廩庾回戶內反遠不克往取率為空名又度其途以便之自是寒無皸疥戍益伉健

既衣又食之撫士至矣萃戰馬凡五百二十匹牛騾稱是修金革器五萬具備丁壯卒三千人聚新粟五萬斛邊備完富戎心震悚天子使使者賫詔即軍中加公檢校刑部尚書以報之居歲餘復召為大金吾升三品階三領縱騎日益親貴今天子即位謀滄海帥視公曰無以易爾咸通二年遂授義昌軍節度使其理如在經始至則表蠲水旱逋甚衆先是并為海染人不可飲遂闕河以汲舟行則決決又輒塞公視而計之派鑿扁蓄舟

來不留縵垂不息厥功亟就于今賴之有田十頃游惰者不顧公乃勤闢悉為膏腴既飲之又食之養人至矣窮民有鬻子者為之贖歸故校有孤女者時其配偶喪不辦葬骨暴於野皆為調棺柩具粟帛郵亭相遠道里患苦作室其間以庇來往歲比不稔給軍未贍峙糧十六萬石以為儲蓄大抵能推誠於下辛苦率先民愁未解公費未足孜孜雖人之求去已疾謀致家溫不如也以故感神貺來瑞鷲百姓文武吏謳謌借留護戎者奏

其狀天子嘉焉詔曰幸卒教化之許留旬歲五年秋受
代朝廷方圖其功會其冬以疾聞明年三月二日薨于
大寧里私第享年六十九其年十二月某日葬于京兆
府萬年縣洪固鄉胄貴里於戲豹韜以義兵顯寧朔以
邊患死咸寧以殊烈一作著少師以威名用洎公以材
能選陳力無曠廢渾氏之風類是自穆宗後天下少事
由是公未嘗有鬪戰功始則以至行好學恂恂若儒者
中則以精力辨疑為循吏終則以和衆靜邊名之良帥

不矜輿馬之飾不嗜梁肉之味家產稍贍則以振昆弟
賓客士有賢者雖貧賤必與之均敵名以修飭光位以
功效進自解褐數十年歷九卿為二千石繼父位臨方
面榮當代馬保身守道一無塗汙於戲渾氏陰德代封
之慶則大於于公虞詡戰勲忘家之跡則優於平陽去
病子孫支屬之榮則高於萬石耿氏然若公之材未大
施設不繼乎台鼎不邇於期頤斯慊慊於五福也薨之
日天子軫悼不朝贈大司馬葬之日給太常儀仗博士

定諡曰康斯可以自見於後代矣長子曰術詹事府司直早終次子徵特徵普卓皆幼父病篤召從父弟右威武上將軍佶泣告曰先少師以後事託吾季父爾必繼之佶涕泗遵用禮儀備具他日持故吏行狀託余斯文是以叙而銘之曰

命氏自姜有後于唐咸寧達人實護玉璜功德愈甚其緒乃昌少師宜之龍節煌煌尚書有繼卓然卅歲執喪之日厥生幾逝渾氏有子天子下制擢為大官如翼高

戾帝前謹恭俾牧于東盜走年豐後為元戎彗煙息波
兩有顯庸厥庸惟富施之無窮宜久饗樂神報何薄厥
德有本頌之靡涸實銘于斯不銷不落

文苑英華卷九百十六

欽定四庫全書

文苑英華卷九百十七

宋 李昉等 編

職官二十五

節察團
防使副

福州團練薛謩碑一首

宣歙池等州團練王質碑一首

河西節度副大使安忠敬碑一首

四鎮節度副使楊和碑一首

故福建等州都團練觀察處置使福州刺史御

史中丞贈左散騎常侍薛公神道碑

劉禹錫

薛在三代為侯國分于鄒魯間傳世三十有一為齊所并其公子犇楚錫土田于沛漢末避仇之成都曹魏平蜀徙家汾陰遂為河東臨晉人自奚仲為夏車服大夫距今數千年乘軒服冕鳥奕冠世言氏族者署為關內甲姓天意若曰始有功於車服錫爾子孫世世有之一作仁公諱審字某曾祖寶胤以名家子且有學行歷尚書郎

雍州司馬邠州刺史王父會

集作繪

有雋材刺三郡金密

綿皆以治聞累績至銀青光祿大夫封龍門侯烈考承
矩以父任歷仕至大理丞公幼承前人之覆露補崇文
生歲滿調主簿書于毫之譙苦二邑又尉于東畿之河
清貞元中上方與丞相調兵食思得通吏治而習邊事
者計相以公為對乃授監察御史裏行充京兆水運使
局居鴈門主穀糴具舟楫募勇壯且便弓矢者為榜夫
千有餘人隸尺籍伍符制如舟師詔以中貴人護之聲

震塞上每發粟沂河北行涉戎落以饋緣邊諸軍及乘障者雖河塞迴遠必尅期如合符一歲中省費萬計累加侍御史內供奉賜緋魚袋有司條白其勞入拜殿中內史未幾淮海節將以戎倖缺聞事下丞相御史擇可者僉曰公政事已試遂授檢校戶部員外郎兼御史淮南軍司馬尋轉駕部郎中錫以金紫遇府遷申命真相趙國公帶中書侍郎代之公主行臺留務趙公文茵及境視置郵供帳及郊視將迎部伍下車視簾幃器備乃

曰信竒才也此不足以展驥朝廷知之擢為泗濱守既
報政就加御史中丞俄遷福建都團練觀察使閩有負
海之饒其民悍而俗鬼居洞砦家桴筏者與華言不通
公兼戎索以治之五州民咸悅元和十年某日薨于位
年六十七贈左散騎常侍夫人趙郡李氏無兒早世繼
夫人隴西李氏檢校禮部尚書河東節度使說之女子
凝為嗣季子茂弘以諸侯禮議返葬故里蛾眉原從周
也後二十有三年元曰開成凝為平盧從事謹按甲令

龔石碑石來乞辭以垂於

集作于

悠久初公治粟于朔陞愚

方冠惠文冠察行馬外事聆風相厚謂可妻也以元女

歸之明年愚入尚書為郎職隸計司因白計相公召來

會府行有日矣遇內禪惟新愚以緣坐左貶間關外役

竟不克面然而公之為德善灌注心耳孝悌為根砥誠

明枝葉之

一作為枝葉

直方為天質禮讓緣飾之所至藹然

繇此道也公初下世故人丞相李太師誌其墓畧曰弘
深莊重幹敏絕人此與游者傳信之詞也豈誣也哉故

作銘曰

河汾奮淪鼎氣歆雲散為昌光凝為賢人常侍之生其
宗孔碩從祖昆弟說說三百文館入仕幽龍未光尺木

為階俄

集作秋

然欲翔司會知材續宣朔方邊師萬喉俟

我羸糧沂于黃河路出戎疆募乃勇士皂衣挽航膺索
臂弧穹廬在旁敵聞公名憚不敢黷安北已南列城相
望率有儲峙皆成金湯入居殿中分巡輦下淮海軍大
往為司馬軍中之治可移諸民乃牧于泗乃廉于閩閩

悍而囂夷風脆急恩信綏之委然如蟄閩方不淑天
集其福公薨于寢玄頤以復天王廢朝贈之金貂莓莓
晉原鬱鬱中條大墓舊阡松楸蕭蕭笳鼓以歸德音孔
昭

故宣歙池等州都團練觀察處置使宣州刺史

兼御史中丞贈左散騎常侍王公神道碑

前人

常侍諱質字華卿始得姓自周靈王太子晉賓天而僊

時人曰王子因去姬為王氏自秦漢以還世多顯名由
今而上十有一代名傑仕元魏為并州刺史子孫家焉
遂為太原祈人并州六代孫名通字仲淹在隋朝諸儒
唯通能明王道隱居白牛谿游其門皆天下雋傑著書
行於世既歿謚曰文中子文中生福祚為蔡州上蔡主
簿上蔡生勉舉進士試賢良皆上第仕至河中府寶鼎
令寶鼎即公之曾祖也祖諱怡渝州司戶參軍考諱潛
揚州天長縣丞贈尚書吏部郎中公其季子也始文中

先生有重名於隋末其弟勳亦以有道顯于國初自號

東臯子文章高逸傳在

集作乎

人間議者謂兄以大中立

言弟遊方外遂性三百年間君子稱之雖四夷亦聞其

名字公性有遠志常自忖度我大名之後不宜無見焉

遂力學厚自淬琢於春秋得之

集作其

公是於禮得之約

僑居淝水上躬督穡事善積於已而淮楚間羣彥多與

之遊公慊然自少無進取意與游者激之曰卿文儒家

子篤志如是盍求發聞

去聲

俾家聲不頽今夫以文字芒

洋當世者誰如華卿庸自棄耶入謀于閨門咸以外言
為是因決策而西上在貢士籍天和內充不以時尚屑
意角逐攻取初無此心如梗柎生于深林未始自貴而
度材者一盼歆然在懷故以不爭而速售既登第東諸
侯交辟之從至者記室于嶺南授正字參謀于淮右進
協律郎其後佐許下暨梓潼南梁率為上介官至兼監
察御史司憲聞其賢徵入南臺轉殿內歷侍御史改尚
書戶部員外復為知已所薦遷秩授

集作
檢校

司勳郎中攝

御史中丞紫衣金章充山南西道節度副使入為尚書
戶部郎中以方雅特立除諫議大夫會宋丞相坐狷直
為飛語所陷抱不測之罪大僚進言無益公率諫官數
輩日晏伏閣上為不時開便殿公於旅進中獨感激雪
涕居多由是上怒稍解得從輕比公終以言責為憂求
為虢州刺史宰相行去又重違誠請增之以兼御史中
丞用示異於人也大抵凡集作以智謀而進者有時而衰
以朴厚而知者無跡而固公雅為今揚州牧贊皇公所

知人不見其迹方在號畧贊皇入相擢為左曹給事中
凡有大官缺必寵薦居數月遷河南尹又未幾鎮宛陵
是三者中外所注意不旬歲而周歷之時論不以為黨
河南帝之別京其治尚體度風采而別白區處之宣城
國之奧壤其治在東吏惠下蘇疲羸龍言剽輕而勞徠澄
汰之公兩得其道不由一揆率身以儉而素風存任人
以誠而羣務舉遇中貴以禮而故態革內潔其志下盡
其忠外無以撓其

集作於

理三者具求政之有糝曷由哉

在鎮三載開成紀元年十二月八日薨于位享年六十
三監軍使上言有詔軫悼不視朝贈左散騎常侍明年
八月十一日葬於河南府永寧縣洛川鄉史原從舊阡
也初公娶于滎陽鄭氏生三女而歿今蓋祔焉一子曰
慶存方齠矣猶子前太原府參軍扶執宗長書來請曰
扶也早孤蒙集作荷世父常侍之覆露今其嗣幼未任克
家姑封琴書司管籥以俟其長竊懼世父之德音不敬
思有以垂於後者以誠告于從叔大司農復命曰愈謹

龔貞石以乞辭無忽余昔為郎與常侍同列已熟其行
實及讀墓誌即今丞相益州牧趙郡李公之文自稱為
忘形友其在宣州李公再入相議以第一官處之牢讓
不取羔鴈所禮則河東裴夷直天水趙哲隴西李行方
吳郡陸紹梁國劉賁集作賁博陵崔珣人咸曰得士夫揚
州少與也而見器益州寡合也而見親六從事材不一
也而樂用是足以觀德庸可勿銘焉銘曰

隋有文中詔敷徵言當時偉人咸出其門粹氣紆餘鍾

于後昆常侍恂恂文中來孫發源高麓中泳後大蘭芽

茁然秀出藂薈善不近名其聲日彰行勇於退其道愈

光哲者知之寘於

集作于

周行以正持憲以文為郎以和

佐戎以惠臨邦以直司諫以公駁政守于三川頑民底

定乃鎮于宣先馳淑聲邑中婆娑瞻我旆旌問誰詢謀

濟濟君子問誰出納潔潔廉士道本乎心暢于四支治

本乎正形于百為黠吏斂手齊民揚眉江清

集作淮

藪空

夜柝弗施公卧于齊邦民恂恂

集作悽悽

公衣陞屋邦民行

哭牙璋斯來柳翬言旋棠樹未老周人慕馬熊耳之陽
泱泱洛川佳城在茲既固且安松楸颯然石馬矯然過
者必敬宛陵之阡

河西節度副大使鄯州都督安公神道碑

張說

公諱忠敬字某武威人也軒轅帝孫降君集作居弱水安

息王子以國為姓世高之逮漢季自河南而適遼東高

陽之受魏封由陰山而宅涼土高陽王岡集作同生尚書

左僕射河澗公原晤其

集作真

河澗生建節將軍西平公

顯徒

集作從

正西平生龍驤將軍黃門侍郎廣宗侯薛晤

徵累葉勲華載於魏史高祖何藏器廣宗之子也周開

府儀同三司寧遠將軍肅州刺史張掖郡公魯祖羅方

大隋開府儀同三司皇朝贈石州刺史貴鄉公祖興貴

右武侯大將軍涼州刺史徙封榮涼歸三國公考文生

不仕涼公皇運經綸首平李軌大舉河湟之地遠通城

郭之國寵錫蕃庶冠絕等彝水出渥洼之神文馬者二

千乘山得崆峒之曳朱輪者四十人公育榮盛之門鬱
豪爽之氣孝友天至清華王立幼聚童兒必為軍陣之
戲長交英俊唯談韜畧之書始以良家子僕射韋公待
價引於帳下安息將建竒績解褐授游擊將軍臨洮府
右果毅復以善部統御史大夫唐休璟處之前鋒洪源
谷立異效遷右威衛翊府右郎將兼新泉軍使進本衛
中郎將赤水軍副使兼赤水新泉兩軍監牧改會州刺
史營田使換松州都督防禦使遷左司禦率兼河西節

度副大使臨洮軍使轉鄯州都督使如故其在軍州傾
心下士視人如子無約而親附不言而條理其在農牧
大田多稼如茨如梁思馬斯材有驕有皇輸力四朝歷
官三紀名參禁衛身任疆場以靜惣繁以逸待寇我無
亡鏃之費敵有不戰之屈茲所謂一方之干城者也享
年六十有六開元十四年十一月二十八日寢疾終於
位知與不知莫不隕涕十五年某月葬於烏城之南志
公鄉附先塋也公寬以御衆卑以自牧直而無訐廉而

無劇朋友不聞臧否之言家人不見喜愠之色加以心

淨三業躬勤八戒推是而行何往不濟初甘州有舍利

涉

集作沙

多禪師道場之四果也嘗云檀越德充於內神

護於外雖冒鋒鏑永無害也及百戰之後啓手歸全西
州士人聞之激勵有子仲璋如璋季璋金璋重璋庭襲
芝蘭喪過樂棘敬奉窀穸備禮儀於文武撰述家風刻
功勲於金石詞曰

玉關氣爽金波秋徹涼野蕭條寒山積雪授靈產義精

勁才傑孝固純深忠惟剛烈負羽從軍奮飛青雲麾幢
按部惠流時雨惣軍扶郡入文出武三十年間武遏戎
虜疆場務靜非公莫鎮金鼓氣雄非公莫震神山與缺
龍池取駿霹靂陷營衝風入陣勇將知時仁兵善持反
耕去戰王者之師牧馬如雲屯庾如坻西軍方壯東首
長辭振古同嗟沒而不死所謂明德永傳神理鐘鼎題
門珠玉名子信言豐石令聞不已

四鎮節度副使右金吾大將軍楊公神道碑

楊炎

昔我乃祖世族關西左華右河前號後晉食唐虞之地
首韓魏之封大輅鞶瑤彤弓之錫此之謂保姓在帝高
辛氏在周為司徒在秦為上卿在漢為太尉此之謂世
祿太尉之道齊宣父大夫之文似相如此之謂世德內
史之採金虎赤泉之斷江龍兗州佐命於齊驃騎重侯
于晉建公能官其業此之謂武功公名和字惟恭河東
人也為高祖驃騎之曾孫大父諱言隋朝散大夫國士

經術之奧高論上庠泊河海風塵吳興敗露出補棣州
蒲臺令考諱楷河州大夏縣令以神明之化出綰桐鄉
驥跼于轅蛇蟠于沼公賢明本乎祖德精勁因乎地氣
好兵有秦韓之俗受學得孫吳之書發跡洮隴成功西
極仗劔出萬人單車入絕域則羣兇下拜室胡隧則漠
地空所以利建侯成輅之賞凡三破石國再征蘇祿開
勃者三誅達覓者一始自弱水府別將至執金吾十五
攻常冠軍鋒大小百餘戰竟終牖下初開元中北蕃方

盛南寇于闐公以中軍副鼓行而前雲火照于王庭雷
霆起於帳下故羸師破竹後騎建瓴灌夫之勇也二十
七年有詔四鎮諸軍大出漢南壘問罪蘇祿洗兵滇河
旌甲數萬人城池五十國公以麾下為前四罪之名有
百牢之饋酈生之竒也後五載有累姓之後來朝京師
金甲善馬織文大貝告于廟之室旅於大庫之庭公覽
傳常遺風烏孫故事井泉可數談笑成功上壯之賜弓
甲一副廐馬二疋伏波之美也明年元帥封常清署公

行軍司馬都虞候西討石國觀兵海隅歷莎車臨大夏
見條支之卯飲郅支之頭烜兮赫兮雲捲萬里博望之
畧也自武衛將軍四鎮經畧副使加雲麾將軍兼于闐
軍大使其他兵甲之富寶玉之林公鎮以清靜同其習
俗如鼓簧琴政用大康又遷金吾大將軍四鎮節度副
使金紫之貴樊纓羽旄雄風凜然壯圖未極方將戴衣
冠於地表會風雲於天庭夢厲成災明淫生戾以十四
載五月薨于鎮西之官舍春秋若干夫人晉陽賈氏彼

美孟姜顏如桃李靈劔始合泛于碧海之潯鷓鷯漸冲
坐于金蓮之界嗣子預有霸王之畧好倜儻之竒初以
右武衛郎將見于行在天子美其談說問以中興遂西
聚鐵關之兵北稅堅昆之馬起自城開天郎特拜左衛
將軍兼瓜州都督關西兵馬使又遷伊西北庭都護策
茂勲也誅門人以息羣盜設勇爵以酬諸戎鍾鼓再考
駢旄既備可以答明君告宗廟揚于祖考有銘篆之功
問於著龜無松榆之舊以月日與次于某葬我公于某

所禮也烏戲昔齊方草昧而兗州降隋室始創而驃騎
興當今受命而武衛作豈公侯之美必復將輔佐之跡有
歸歟中丞以炎聽于親宗服於祖業捧持簡牘見託斯
文丘陵蒼蒼歸于萬世地連汾水之舊其疑望虞鄉之
古祠遠蒼龍松寒石馬晉人墮淚如看峴首之碑漢將
焚舟遙識祁連之冢銘曰

偉哉忠壯萬夫之冠熊視三軍鷹揚霄漢星殞月窟魄
沉海畔寥落英風功名相半我有令子王之寶臣勛參

十亂名畫麒麟光華玉帳出入朱輪祠于上蔡奉我先
人反葬何鄉言歸晉土蒲坂之北汾陰東許雲雨千峰
山河萬古蟠青蛇兮負騰虎埋金劍兮何時覩



文苑英華卷九百十七

欽定四庫全書

集部

文苑英華卷九百十八至
二十一

詳校官庶臺臣龍廷槐

助教臣常循覆勘

總校官進士臣朱 銓

校對官助教臣羅萬選

謄錄貢生臣郭 坦

欽定四庫全書

文苑英華卷九百十八

宋 李昉等 編

職官二十六

留守少尹附

東都留守韋虛心碑一首

東都留守顧少連碑一首

河南少尹竇府君碑一首

東都留守韋虛心神道碑
孫逖

夫作春秋者必見於行事論將帥者蓋知其為人余為

郎時南皮公實掌小司馬之職接武官次亟聞話言故
思其人詢其事可知而見之矣公諱虛心字某京兆杜
陵人也甄六氣之純粹協九疇之正直沉靜端慤仁慈
隱厚忠之屬也清貞本於至公孝之終也毀瘁過於寧
戚斯所以行成於內名揚於世者已越在童冠升于膠
序介然獨立異於諸生國子博士范頤嘗與均禮然疑
考功員外郎李迴秀擢以高第及夫岐下參卿河東主
吏能於細謀其長御史賈虛舟舉以勸中丞侯令德與

從常辨習于學也如彼材諸位也若此欲無顯得乎明
明天法廷尉攸序命公作大理司直大理丞以至于卿
肅肅王度憲臺是式命公作侍御史以至于中丞長人
之官以視百姓命公作歙曹二州刺史荆潞揚三州長
史以至于太原尹司會之府允釐庶績命公作倉部左
司二員外戶部兵部右司三郎中左右丞兵部侍郎以
至于工部尚書其餘掌吏部選採訪處置使東都留守
皆丈疑作大任也又能兼之清風暢於臺寺陰雨膏於郡

國所居致理所去懷德德以處事事以度功功成而義不愆事正而名不悖故今之任職者祖南皮焉初景龍中西域羌胡或謀背誕天威逮捕吏義疑作議咸劉公理

其獄旬時伏念以為刑者所以明德除害也誅其桀黠可以除害捨其脅從可以明德繇是全活者千有餘人洎

皇帝二十四年鑾駕還長安之月

一作日

有坐殊死在繇

繫者時迫季冬將寘嚴法公為之請曰攸祖之慶方喜來蘇好生之德宜加在宥上可其奏咸許從流此則蘇

公之繇獄釋之之聽理也曩者竇懷貞奸佞之尤欲行私惠劉幽求勲庸既茂將復私讎各有愛憎公嘗按驗皆舉直以明枉不詭隨而曲從秉心惟一蹈尾無懼其後荆有大賈利合權門揚有貪吏婚連相國公亦既條察先許奸家或命出其罪給郵置於三舍或撻記其過啓刑書於五宅此即山甫之不吐石奢之無避也爾其富人興利導俗閑邪於壽春則引芍陂以溉田於廬江則縣舒城以止盜茭牧之地實藝稻梁菴蒲之澤遂均廬

井此即信臣之方畧少卿之理化也若乃擇賢親仁度材委政謂唐林璟盧從愿先達之宗也故輯寧關右嘗與偕行謂趙良器劉琯後來之選也故廉問淮瀆舉以為介此則樂武之從善趙宣之任使也疇若子工實諧俞往上方倚相適會云亡享年七十以開元二十九年某月日遘疾薨於東都寧仁里之私第皇帝悼焉揚州大都督府印綬贈物一百五十疋米粟一百五十石賜諡曰貞明年某月日葬貞公於京兆之高陽原祔先塋禮

也昔者豕韋作伯扶陽仍相寘德于後莫之與京公曾
祖叔謙事太宗為考功郎中與兄叔諧季武同在郎署
時人謂三列宿大父曰知人事高祖歷司庫員外郎贈
職方郎中公烈考曰維事睿宗歷戶部郎中終于左庶
子贈絳州刺史季弟曰虛舟事皇帝歷戶部司勳郎中
今移左司唐興已來歷華省析新齊美棠棣同升於述職
為奉先在嘗僚為克友人物之盛凡今莫儔先是庶子
府君之為戶部郎署天庭之內首種行柳公及令弟能

業其官曾是封殖益以蕃廡比行年而不可朽將樹德之
偕滋僊臺譽之棠歌勿翦君子有以知韋氏之昌阜未
可量也貞公之軌度所可遠也有美如是可無述焉肆
其孤有方增永世之業先人之志俾余論綴故作是銘
曰

龍旂翼商勲績惟光祚膺其昌簪紱斯皇東郊處守北
里居方時清任大運促人亡貞公之德柔和諒直始終
不忒存歿為則高墳有平豐石有勒芳名可久永永無

極

東都留守顧公神道碑

杜黃裳

韋夏卿
撰銘

昔康王以成周之衆命畢公保釐東郊承二后之業周禮以天官卿為冢宰漢以大司馬為將相國朝以尚書僕射師長百揆此四者人臣之極公盡更之有不至追而命之公之德盛矣公諱少連字夷仲吳郡人也夏后少康以禹葬會稽次子為越王以主祀漢封裔孫其為顧侯纘禹之緒厥後斂蔓世居河南中原戰爭復徙吳

會自晉司空和洎梁給事中耀至公十三代矣衣冠禮

樂為江左著族曾王父諱君卿皇朝柳

一作柳

州司馬大

父諱克忠縉雲郡司倉參軍贈邠州刺史烈考諱望贈

祕書監祕書府君慕梁伯鸞於陵仲子安貞履道不辱

其身該通六經旁貫百氏究天人之際盡性命之端公

蘊山岳粹靈承祖考休慶瓌姿偉度識達行方志存遠

大道契先覺每躬率耕稼厲精墳典齒列上庠升堂覩

奧時小宗伯薛公邕深所歎異以為東南之美盡在廊

廟之器不孤擢進士甲科猶謝詩人錯薪之義丁祕書
府君憂居喪柴毀殆至滅性既祥而哀未忘也久之以
書判高第典校祕文秩滿授登封主簿時議以皇居在
鎬砥名之士登近甸者俗不為東畿殊不知樂嵩少之
遊奮鴻鷗之翼先是邑有暴虎公以為天道一作神祇可以
誠感猛鷲可以仁服乃堙塞陷窅移檄靈岳於是人安
其居獸不為害其通理遂性也如是及休告東洛居守
鄭公叔則辟為從事非其所好終以疾辭其明年書判

超絕登第亞相于公頗推義行詔拜監察御史京師內
亂鑿輅時巡公節見艱危步至行在陳少康滅澆之計
墨翟設拒之宜帝納其忠拜水部員外郎翰林學士隨
難南梁遷禮部郎中加朱紱銀綬學士如故贊絲綸之
密命參帷幄之謀猷屢獻嘉言克昌天業乘輿反正疇
勞計功退保冲謙口不言祿以東吳播越叶於方墓表
求遷奉辭志哀懇德宗以公職在近署重違其請乃命
長男主喪中使監護水陸縣道斂襚之飾悉令仰給葬

于偃師縣高邑鄉邛山之趾澤漏泉壤衰榮莫儔尋以

本官知制誥賜紫

疑衍

金印紫綬遷中書舍人公在翰林

僅將一紀富平以周密自著萬石以謹審見稱故造膝
而言詭辭而出讜言碩畫人莫得聞帝深嘉之方將大
任以文昌理本歷試其能凡三踐列曹再登八座一為
散騎常侍一為左丞雖分職各殊領者數矣公之在地
官也辨土地之名物稽夫家之衆寡四人不瀆五教允
敷斂施以時貴賤有節所以法通制而濟經費也公在

秩宗明典禮以正威儀變樂府而和上下錯綜經術辨
論俊造黜浮偽而尚敦素所以觀人文而化天下也公
在天官綜六典以佐邦理糾八柄以馭羣司登降庸勲
權衡流品抑貪冒而進賢能所以代天工而立人極也
珥貂騎省以直方備顧問以謇諤處朋儕時有權臣怙
寵人多附麗公面折其短數而絕之羣臣為危正色不
撓旋持左轄旁惣機曹之事凡三典賓貢三掌銓衡藻
鑒表於知人情通播於令問萬邦輻輳五都浩穰命公

尹京兆以為設鈎距塗赭衣前人一作使之所為不足以

為四海式於是布和平尚簡易始務仁人之惠無取赫赫之名政弘大體去有餘慕遷吏部尚書復行太宰之職轉兵部尚書兼御史大夫東都留守處納言之位儀亞相之府行二南之化申九伐之威以洛苑閒田汝墳曠土乞田積粟務穡勸分貞我師律載清東夏孟元陽有澗水之功為當時所掩公密薦于先帝言雖不情一作成識者美之嗚呼昭假其功馨香其德宜升玉鉉而底

太階天不慙遺梁木斯壞以貞元癸未年

一作歲

十月四

日薨于洛陽讓里之私第春秋六十三都人罷市而洒
泣皇上廢朝以興悼乃命有司葬日給鹵簿蕭鼓追贈
尚書右僕射飾終之義備矣太常考行謚曰敬夫人同
郡陸氏常川司馬綺之女也蘊中饋內弼之美女儀之
德宜配君子光我閨門石窀未封先公而謝有子曰師
閔克家光烈早歲繼明以拔萃甲科歷咸陽尉次曰師
安太常寺太祝次曰宗彧宗憲志文好學不墜先業凱

風之思有感人聲

一作聽

師閔等考卜先遠以明年二月

十五日奉公洎夫人之裳帷合葬于亳邑附先塋禮也

以黃裳陪南宮之班列接西掖之周行忝於史官頗知

系錄叙事詢於故老銘德孝

疑作存

於碩儒追琢豐碑

一作

珉

永播徽烈其詞曰

洪惟哲人含道研幾大方不器正得

疑作德

思惟磅礴山

立危昂鳳姿耽耽廣厦浩浩澄陂元化及物聖主為時

嘉猷式贊密誥是司十餘年間造膝詭詞顯仁藏用孰

得而知天地有公輔相其宜綜綱清轄揭禮高闡貂蟬

峨峨親侍玉墀帝思其人則曰汝為乃齊九賦乃張四

維清濁是分集於靈龜祈祈名

一作多

士天

一作在

下觀頤

正直摧剛誠明滅私孰云弘烈

一作強禦

禦

一作視

若嬰兒量

人氣折觸角用羸因智圖難尹正邦圻無念鰥寡克宣

明夷

一作威

尼父有言栽者培之無赫斗樞迭為官師重

光疊耀近古攸希分政于東弘訓保釐方俟元宰韋來

膺斯

一作期

嗚呼不淑棟幹其萎神昧於仁胡可度思寵

贈端右恩覃澤垂玄宇深邃龍光逶迤德音孔昭視我
豐碑

河南少尹竇府君碑

張九齡

叙曰正其本

集作身

君子所以慎德敏於行吉人所以寡

辭或道之或處之是亦正命之將行利有攸往則時不

家至而人勸言不面命而事濟不為跡而實以阜蕃不

務

集作沽

名而聲以通駿夫如是者存乎其人故河南少

尹竇公蓋有之矣公諱某扶風平陵人自後魏大將軍

侍中永富公至烈考瀛州刺史贈刑部尚書莘國公六
葉矣皆贈華卿族見重公朝四國于藩四方于宣龍旂
承祀六轡耳耳公所謂盛德必祀承簡子之始大積善
餘慶是僖伯之有後故生則靈和一作長而純固既白

知

而受采亦黃以通中天假不器之性人服自然之理而
况於文雅緣飾志業孔修引伸足以長人動用足以利
物既學從政其歸易簡形有萬殊道以一貫人致一意
而已我乃萬目盡張故其始也以明經上第授彭州參

軍事詢謀郡將器異甚厚所遇深一作森然其言固矣一作

已

如山之為始於覆篲如江之導終以方舟於是累遷
至于薛王友贊善大夫燕王築館以待士漢儲立苑以
招賓當其推擇莫非賢俊議者惟允而公在焉然猶韞
匱隨和十城空其價蹶跼騷千里未之騁及其用也
再入尚書郎遂為洛陽令三臺雅望一時精選舊章資
以彌綸利器呈於盤錯出宰百里實惟集作三河其賦
政則必反於其身亦既誠信被之於物是為惠懷故雖

二州餘弊儉巧而難理五都

集作郡

尤劇權顧而多姦莫

不可使由之令自求之善處中於下鞫能合于遊及至
於釐舉風俗之謬裁正人倫之經務勸衣食之原調均
徭賦之事本為已任無間人言故視事踰四年通而不
倦遺德在百姓久而益彰非夫明允宣和優柔博約自
我之不忒為人之攸暨亦曷由臻茲厥有洛陽所謂賢
令者則周紆王渙孔翊祝良公實續之誰其似之屬天
子建中都營新邑咨爾亞尹俾其董司朝選其人公首

斯舉以故稍選河中少尹且有後命廢府而復遷河南
焉以公之歸從人之望官則改次政無易方以佐理王
都以表則天地而年不克祚位不光寵遇暴疾而卒悲
夫是歲有唐開元之九載春秋五十六公以孝友為體
一變而迪忠信以明恕為用再變而至循良故所行無
擇所事無巧有恒其德終且温温不伐其功昭然赫赫
所以遺愛固結必在何武之去稱誦思深惟恐子產之
死已而神道欺而不福物情喪其所賴人之不辜今也

云亡及喪之西歸則人吏致哀道路相屬得人心如此

其旨可知

集無此句

冬十一月葬于北原後之人或者遊於

斯歎於斯彼其與歸我乃不朽矣其子八人長曰某次

曰某家有太邱之德里以高陽之名夙邁閔凶能哀傷以殆滅匪躬革其道懼功伐之不傳俾予為文以叙孝子之志銘曰

綿綿瓜瓞少康遺烈靈則長兮莫莫葛藟王孫承祀世其昌兮而我實續如金如玉載錫光兮咨亞尹之德柔

嘉維則惟

揚一作

令問兮惟別駕之功邦國不空吐胥詠

兮不競不綌不剛不柔以成政兮德之攸好神之所勞
實降祥兮有美無度曷不胤祚今則亡兮我著名節俾
無泯滅惠無疆兮

文苑英華卷九百十八

欽定四庫全書

文苑英華卷九百十九

宋 李昉等 編

職官二十七

刺史一

周柱國楚國公岐州刺史慕容寧碑一首

周兗州刺史廣饒公宇文常碑一首

兗州當作商州下同

唐恒州刺史建昌公王義童碑一首

周柱國楚國公岐州刺史慕容公神道碑

庾 信

昔在殷書懋賞周禮議勲諸侯計功大夫稱伐惟師尚
父昆吾載寶鼎之銘王命尸臣枸邑傳琯戈之賜故知
太上立德明試以功存有顯爵之榮歿有大名之貴昊
天不弔其惟楚國公乎可以旌德景鍾勲彝器式昭
盛美載揚洪烈者焉公諱寧字永安昌黎徒河周書
作何人
也都尉揔六縣之卿名山稱五岳之佐燕太祖文皇帝
慕容皝以當世英雄奄有河朔趙之南境且建王城冀
之北土仍為興國公既皝之苗裔家世燕陞高祖侍中

使持節都督中外諸軍事太保錄尚書北海王慕容超
之世蕃屏王室詳之燕錄可得稱焉曾祖尚書府君因
魏室之難改姓豆盧仍為官族祖仕魏文成皇帝考阜
亡朝廷以庸勲攸屬恩深追遠保定三年有詔贈柱國
將軍少師涪陵郡開國公食邑二千戶公稟氣中和降
神川岳岐嶷表羈貫之年通禮稱綺紉之歲夙著竒節
幼表大成兄弟分果備知推讓賓客解鈴曾無恠色永
安元年太宰尔朱天光魏室滿疑輔握兵淮右抗權江

南公時任別將便從征伐自是長城碣石必先行陣秦

南隴西每當矢石權

疑

降乘勝莫不前驅策勲行賞常

居第一永熙元年補子都督并加鼓節軍儀除桑乾太
守轉補都督其年以魏皇西幸奉迎大駕賜封河陽縣
開國伯增邑三百戶俄遷大中大夫改伯為侯增邑合
九百戶仍授使持節都督顯州諸軍事顯州刺史四年
遷鎮東將軍金紫光祿大夫其年秋河橋之役先登破
陣遷為車騎大將軍儀同三司五年沙苑之功加封合

前二千戶俄授敷州刺史加散騎常侍外深推轂內侍
集書十五年授右衛將軍十六年授大將軍後魏元年
重授敷州刺史公以先經刺舉固辭不就三年改封武
陽郡開國公除尚書僕射職惟贊奏任居封掌分左右
之傳兼典舉之選屬以江南阻兵渚宮邊敵軍機警急
鋒鏑縱橫公奉命星言元戎啓路惣秦人之銳士兼荆
戶之廣卒水龍競雙刀之勢步竒陳四分之威夷陵既
燒黔中方定旋軍反旆解甲休兵其後鳳州內叛成都

外絕公又惣督衆軍蒐乘即道兵不血刃並皆擒獲遷其酋豪納其降附皇朝受終文祖革命神宗選賢與能改絃創制爰降冊書授公柱國增邑四千戶二年授同州刺史衿帶關輔唇齒秦晉編戶殷積邸閣儲峙藩籬是任親賢勿居公建旗作牧褰帷行部六條斯舉百城咸勸三年授公大司寇又以公勲庸特著冊封楚國公食邑一萬戶蓋因破万俟仁等於荆陝即其地而封焉逖糾王慝弛張刑政式遏寇虐於是御之以寬猛柔

遠能邇然後平之以冲和舜任咎陶不仁者遠晉舉隨
會羣盜皆奔保定四年授岐州諸軍事岐州刺史沉痼
彌留保定五年三月四日薨于私第春秋六十有二詔
贈某官謚某公禮也十月庚申葬于洪瀆之川馳綵毀
宗客車專道玄甲被屬國之兵介士陳輕車之騎克善
令終生榮死感嗚呼哀哉經德秉哲體道居貞履貴思
冲居盈一作滿念損澄波千頃不能變其清濁高墻百仞
無以測其汗隆立身行已居安如墜亡躬殉義視嶮若

夷至於將畧應變出奇設伏太一風角之占常從星辰
之候艘船戰陣之錄強弩馳射之書莫不動會機神發
符雷電梯衝所向地靡百樓之城長戟所臨野關三門
之陣是以斬將奪旗四十三戰尊官厚祿三十七年武
彰七德之義誦九功之業迹紀庸器之文行昭易名
之典昔臧文既歿穆叔稱其立言鄭僑云亡宣尼泣其
遺愛德陽青石之墓千年未平板江白虎之碑百代無
毀敢因斯義乃作銘曰

遼水之東冀州之北既曰都尉兼稱屬國斂氣餘勇雄
邊遺則孝實天經忠為令德冠冕世祿羽儀祚胤俗被
燕丹風漸英藺劬勞行役辛苦行陣勇過溺駿氣踰瓦
震王國克生思皇多士温温恭人謙謙君子擁旄仗節
出蕃入仕五朝建旛千里時逢改特疑名載策勲淮陰
召拜昭陽破軍職司刑政獄慎深文沈羊不飲崔盜無
聞巴庸薄伐江漢專征軍物六校兵兼七營運長擊短
後實先聲增壘威敵減竈潛兵鐘鳴夜漏晞露朝陽邑

里蕭索宅帷荒涼豐碑下樞題湊遷喪宮臨樗里臺傾
孟嘗卜兆戒期遠辰告筮德遺身後名昭歿世館舍長
捐泉扃永閉晏嬰悼齊柳莊悲衛風秋北原日沒川逝
葬田舊頃客土新封淚墮片石劒挂孤松清徽令範千
載餘蹤

周兗州刺史廣饒公宇文公神道碑

前人

唐朝以元凱並進十有六人周室以昭穆先封十有五

國發源纂胄葉派枝分開國承家珠聯璧合是用克明
俊德思皇多士盛德有後公其裕哉公諱常字子元豫
州滎陽人也周宣中興然後樹賢建戚鄭武有國然後
保姓受氏荆衡之賦千乘莫敢加兵號檜之封十城翻
為獻邑况復郊門致騎先迎內史之賓南宮旦朝獨識
尚書之履祖思慶建威將軍山陽太守建威取曹仁之
號可以定名山陽有王暢之賢足觀風俗考項銀青金
紫方於溫羨傳祗鎮南征東比於劉弘荀顛報功之冊

則槐路是儀贈行之典則荆河惟牧公弱齡早惠幼志夙成立必正方言無勦說青衿智勇即埋雲夢之蛇童子仁心已愛中牟之雉始遊庠塾不無儒者之榮或見兵書遂有風雲之志出忠入孝事盡於心脩身立名理窮於性天統三年起義華陽先登廣武浮潛逾沔入渭亂河蒙授永安縣開國男輔國將軍自爾長從太祖入為帳內都督河橋接戰秋水則三月不流洛城揮鋒金墉則一月路斷西京不賓羗戎侵軼城如飛鳥地有伏

龍公以金僕裁抽靈鈺整舉蜂目已奔狼心遂革遷平
東將軍帥都督十五年襲父封魏昌縣開國伯轉大都
督魏後三年授使持節車騎大將軍儀同三司黃權受
詔嘉其入魏之功實憲當官賞其平戎之策公之此授
勲庸著矣進爵廣饒縣開國公邑五百戶保定三年授
都羅州諸軍事羅州刺史仍領金州兵馬應接上庸公
於文谷路溪澗崢嶸巖崖豁嶮山窮水斷馬束橋飛中
孚既開雙城即欵往者申息盡掩江黃無援泮陽極浦

亟犯風塵夏首西浮頻遭鋒鏑公以伏波受服樓船誓
衆入橫江之陣進下瀨之兵越客文身湛盧終去吳人
長鬣餘艖遂遠建德四年授使持節開府儀同大將軍
公孫敖下光祿之塞諸葛誕勒九都之山公之處焉差
無慙德四方雜俗天下殊風以君廉能使兼觀察馳傳
擁節揚旌持斧既乘駟馬仍被繡衣羣盜累足貴戚斂
手鄉亭留宿幸無歸忌之疑公車奏事寧有反支之日
是使陽球司隸無所申威鮑恢都官因人成事高祖武

皇帝以仲春誓衆甲子濟河公仗劔六軍披圖八陣譬
彼張遼前鋒而報魏主方之耿弇先戰而待蕭王及乎
九州攸同四隩既宅遂得功參勇爵名入司勳授上開
府增邑五百戶加以舉功行賞推恩分邑兼乘而反光
乎譙郡之城載寶而歸照於臨漳之水即日賜姓宇文
與國同族婁敬上書於鹿輅項伯舞劔於鴻門公之此
榮足為連類以公績著屯險誠貫風霜其年授使持節
督東徐州諸軍士事徐州刺史宣政元年授都督南兗

州諸軍事南兖州刺史作牧濟河風行於雷澤建旗海岱化被於淮沂襜帷入境貪殘者解印冕旒從政仁義者郊迎宣直白石開渠青鹽換粟祥雲入境行雨隨軒而已哉在任遘疾薨於方鎮皇甫嵩監御斯牧賢能刺史荀中郎連率此則中興方伯英聲茂實公之有焉詔贈某官謚某公禮也以大象二年十一月十日歸葬於滎陽之某山舊墓九原悽愴趙文子其何言駟馬悲鳴滕成公其已遠若夫勒鼎刊碑銘功頌德陳其令範必

在生前嗟乎此之樹碑異乎洙泗之水此之勒石異乎
燕然之山嗚呼哀哉乃為銘曰

高陽之子少典之孫蒼林遠邁若水遙源公侯復始鐘
鼎逾繁承基纂冑建國開藩我壯我武既公既侯緇衣
出鄭卿士歸周魚陵北上滎澤東流河移酸棗雨粟陳
留祖守南邦考鎮東部兩龜迴印雙虵結綬日察陰風
星占長柳是曰世載其名不朽事親之道孝以立身事
君之道忠以立仁今君嗣德一此君親如松之茂如竹

之筠功參荆棘職主兵戈北臨青嶺南通白波直雲橫
塞長星渡河陳開沙斷師移竈多舉功行賞封疆受位
宮室鏤珪山河分地決勝千里謀深計秘建武功成名
連星次建旗濟深擁節龜蒙既蠶桑土實撫梧桐野無
異器河無別風吳亭楚障莫敢彎弓倏忽身世俄然松
檟路轉銅魚山迴石馬武侯之廟樂公之社望此高碑
悽然淚下

唐恒州刺史建昌公王公神道碑

楊炯

王氏之先代為佐命秦之霸也則王離滅楚國而三將
連衡漢之興也則王陵誅項籍而五侯同拜南陽定命

集作
克定

應圖讖而作司空西晉聿興合訶謠而濟天下昔

者伊尹伊陟但保乂於商朝太公桓公唯夾輔於周室
蕭何之後居食祿而無聞鄧禹之孫在當塗而不嗣未

有夏殷三統金木五遷冊命重光軒裘

集作
裳

代襲則我

瑯琊之郡有冠蓋之里乎建昌之縣有公侯之子乎公

諱義童字元稚其先瑯琊臨沂人也永嘉之末徙于

集作

於江外皇運之始遷于

集作於

五陵今為雍州萬年人也

祖僧興齊會稽令梁安郡守南安縣開國侯祿位千石
珪符五等營室迴於羽儀山河入於盟誓父方賒梁正
閭主簿伏波將軍梁安郡守隋上儀同三司以惠和之

性

集作德

有文武之才伏波將軍從征等於馬援儀同三

司開府均於鄧騭家餘積慶郡不乏賢代臨本州則元

賓之父喜形於色繼為本守則張翕之子送

集作迎

者如

雲自齊國遜位於梁庭及隋人內禪於皇室夏禹之鼎

寶命集於周朝御龍之家世

集作代

祿歸於范氏公台階

茂緒昴宿精靈五百歲之賢才一千里之皇佐忠規武

節

集作畧

學府詞林元方閨門敬其有德少游鄉里稱其

善人實惟清廟之器是曰皇居

集作家

之寶韻諧金石奏

虞廷之八音德合珪璋列塗山之萬國黃河一曲之水

莫測其源赤城千丈之巖未階其峻羣童忽聚綴帛而

引旛旗父老相呼授履而傳兵法隋授左勳衛率非其

好也漢東離析海內風塵天子溺於膠船諸侯問於金

鼎能扶天下之危者必據天下之安能除天下之憂者

必享天下之樂我高祖神堯皇帝就之如日望之如雲

發三河之雷電集作平四海集作之歷象武王之仗黃

鉞一月臨於孟津高帝之執朱旗五星會集作於東井

公瞻烏于屋射隼于集作墉陳平則間行而去楚酈生

則長揖而歸漢奉符繫組觀軹道之降王偃武脩文見

山陽之散馬初拜車騎將軍稍遷右屯衛將軍錄有功

也考於周典崇德報功稽於春秋策勲舍爵車騎萬隊

備涼土之羌戎衛軍千兵掌京師之屯禁于時天下

集作

保初定邊方未輯二十八舍尚有吳越之妖氛一十三州

猶積東南之殺集作反氣武德四年詔公為江南道招討

使鼓琴而送受命而行乘使者之輜車掌行人之旌節

陸賈至於南海先責尉佗隨何入於九江即徵黥布詔

除泉州都督封建昌縣男食邑三百戶斗牛星象舜禹

精靈境接東甌地隣南越言其寶利則璫瑁珠璣叙其

風俗則丹雞白犬公門容駟馬位列三刀防薏苡之譏

嫌絕簡書之流謗豈知

集作直

廣州清節酌貪泉

集作水

於

石門合浦神君返明珠於漲海貞觀三年詔還

集作除

散

騎常侍行果州刺史授期天帝肇跡人皇南充國之舊

都西巖渠之古邑岡巒紛糾天彭雙闕而作門珠貝浮

沉

集作浮

巴水三迴而成字公入參師友出居方伯金蟬

右貂朱旗曲蓋纔臨蜀郡即聞來暮之謠初踐益州已

聽中和之樂七年詔遷銀青光祿大夫行恒州刺史西

街畢昴北岳恒山天開太一之宮地列并州之鎮境分

靈壽魏將樂羊之所封邑對行唐趙王惠文之所築公

政成朞月風行萬里鄧晨一郡漢帝稱為主人李廣數

年匈奴號為

集作其

飛將行嘗計日郭伋不負於童兒郡

異中平王觀無私於任子既導德而齊禮亦勝殘而去

殺三禾在殿將拜鄭弘兩鴈

集作鷹

隨車坐悲虞國享年

若干以十五年冬十一月二十五日薨於洛陽之清化

里公家

集作門

傳將相世

集作代

有忠貞屬離

集作表

亂之弘

多值風

集作雲

雷之草昧河宗兩日負鼎而謁成湯渭水

七年垂釣而逢西伯將軍再命刺史三遷仲曷藥巴牧

人之良翰

集作幹

龐參虞詡將帥之宏規立事於當年揚

名於後代兄國印穀州刺史

二字集作牧下同

弟國稀仁州刺

史荆枝擢秀棣萼生光何止平輿之二龍是為賈家之

三虎唐虞之際四岳分居趙魏之間八男為郡公雖勲

參締構位惣班條金友玉昆良田廣宅而能吐食

集作養

下士倒屣迎賓無笑客之美人有拜賓之童隸策名委

質善始令終生當封侯克成丈夫之志死而可作無忘

事君之道越十六年二月二日葬于

集作於

伊闕縣之萬

安山詔賜雜物百段給儀仗往還禮也亭連長樂城枕

高都守闕塞者汝寬適伊川者辛有北瞻洛汭尚想元

亮

集作凱是

之境東望邢山依然國僑之基夫人楊翟縣君

河南褚氏即太常卿楊翟康侯亮之女中書令河南郡

公遂良之妹也宋公子之流派

集作派別

褚先生之苗裔弘

夫人之禮傳淑女之詩有文在手歸於魯國有鳳和鳴

適於陳氏邑之石窰縣以封丘夫尊於朝妻貴於室仙人暫別初悲寡鶴之聲實劔纔分終合雙龍之氣以某年月日薨於某所越某年月日祔

集作於

建昌公之舊兆

長子師本太穆神皇后挽郎襲建昌公歷韓王府祭酒岐州司士參軍定州安喜縣令譽聞州里學富丘山以卿子而為郎以象賢而開國朝遊楚澤暮宿燕宮東臨石柱雍為積高之地右會長星唐是中山之邑出遊隣國不以陪臣見朝上謁邦君不以屬官相待洛陽朝覲

適見雙鳧東都墓田行悲駟馬以某年月日終於某所越

某年月日即陪葬於先兆次子師表左千牛備身遷尚

輦直長歷許州臨潁博州堂邑滄州樂陵縣

集作錦

州萬

安果州西充五縣令能傳祖業克嗣家聲有言偃之文

章兼仲由之政事晨陪紫極繞鈎陳之六星旦奉黃麾

屯玉車之千乘至若繁昌土宇魏文帝之壇壇堂邑隄

封漢陳嬰之侯國河分九道渤海東臨江派五津崑崙

北指莫不愛人以禮為政以德鍾離意之禁暴不用尺

刀

集作五兵

公孫述之有神能持五縣次子師玄雋州都督

府臺徵縣丞次子師楚夔州都督府雲安縣令芝蘭有

秀羔鴈成行滇北數十尹莫大邛都之縣邑東七百里

唯有巫山之峽言其縣職黃

一作夔

龍入於闕門叙其宰

人

集作邑

鸞鳥翔於學舍咸能生盡其孝

集作養

喪

集作沒

盡

其哀積粟萬鍾思負米而何

集作可

得椁題三尺泣吾親

而不見卜其宅兆麟鳳匝其岡巒陳其簋簋春秋變其

霜露思傳舊德式建豐碑戴安道作頌於鄭玄蔡伯喈

披文於郭泰魏武王讀而稱妙非所望焉夏侯堪見而
陋之固其宜也銘曰

厥初兮后稷導生人兮知

集無此字

稼穡降及文王精翼日

兮衣青光平東遷兮郊廓晉上賓兮帝鄉秦三將兮繼

代漢五侯兮克昌比狼

集作琅是

山兮峻極等淮水

集作海

兮

靈長惟祖考兮鼎盛佩金璋兮疊映彼山川兮降靈生

玉樹兮青青成張良兮昂宿乘傳說兮箕

集作尾

星出忠

兮入孝武緯兮文經陳嘉謨兮制千里槁藻思兮揆天

庭有隋兮喪亂土崩兮瓦散皇運兮權輿人神兮攸贊
值笙鏞兮變響屬天地兮貞觀河兩日兮事殷井五星
兮歸漢帶長劔兮暉暉擁幡旌

集作旗

兮照爛周命兮惟

新雲雷兮尚屯控東南兮荒景負江海兮未宵陳禮樂
兮命使動輜車兮麟麟用虵符兮澤國頒武節兮山人
專一方兮革面重九譯兮稱臣天垂兮星紀地連兮交
趾山草樹兮潛移蜃樓臺兮鬱起遷合浦兮太守為廣
州兮刺史臨漲海兮明珠飲石門兮貪水侶沖天兮八

翼代出身兮萬里全蜀兮奧區枕邛笮兮倚巴渝有靈
臺兮古跡有充國兮舊都豐貂兮左珥介士兮前驅濬
三刀兮持節昌兩日兮剖符降鳴鳩兮大夏騁神馬兮
長衢畢昴兮分野蘭堂兮四下漢皇帝兮國都耿將軍
兮壇社若恒山兮詔鄧猶朔方兮命賈李北平兮漢飛
郭并州兮竹馬瞻太階兮坐躡惜天年兮不假伊天姓
兮潁川有美人兮嬋媛桂生兮因地女嫁兮因集作天
見乘龍兮奕奕覩飛鳳兮翩翩知蘧瑗兮有禮笑虞邱

兮未賢始銜悲兮晝哭終共盡兮千年卜龜謀

集作龜謀應

兮習吉陳旨酒兮嘉粟車徒儼兮在門旌旆紛兮竟術
循洛橋兮南渡從國門兮右出樹蕭蕭兮有風雲慘慘
兮無日指丘陵兮一閉與天地兮相畢悲孝子兮純深
孰憂思兮可任訴高天兮泣血躋厚地兮崩心樹碑兮
神道無媿兮詞林歷陽之都兮水沒圓嶠之海兮山沉
俾外孫兮幼婦生白玉兮黃金

文苑英華卷九百十九

欽定四庫全書

文苑英華卷九百二十

宋 李昉等 編

職官二十八

刺史
二

後周青州刺史齊貞公宇文彪碑一首

唐贈荊州刺史成知禮碑一首

唐維州刺史安附國碑一首

唐河州刺史冉寔碑一首

後周青州刺史齊貞公宇文公神道碑

楊炯

惟黃帝大電之精以太清而張樂惟高辛招搖之象以
人事而紀官於是乎生我司徒敬敷五教翼贊虞帝而
咸熙庶績惟殷湯受天明命以統九有之師惟微子崇
德象賢以為萬邦之式於是乎生我丞相約法三章光
輔漢室而威加四海大齊宣皇帝商周之日號西伯以
稱臣太祖高皇帝堯舜之朝避南河而革故司空臨川
獻王懿親明德論道經邦中庶子平樂侯開國承家丹

書白馬於是乎生我齊貞公惟魏之寶惟周之幹開上

帝而格天地

集作
皇天

變陰陽而平水土詳求典載歷選台

衡或大澤而康帝圖或高丘而濟王業諸侯五百伊尹

出於庖厨甲士三千太公起於屠釣未有上從軒后下

及今

集作
全

齊聖主明君三居域中之大帝師王佐累極

人臣之重古所謂歿而不朽者抑斯之謂與

集作
乎

公諱

彪字明俊蘭陵人也即宣帝之玄孫高帝

集作
皇

之曾孫

臨川王之孫平樂

集作
陵非

侯之子稟神河岳藉慶王侯攀

兩曜之末光乘

集作
得

五行之秀氣溫厚廉

集作
恭厚

讓當時

以為達人宣慈惠和天下謂之才子屬三方鼎立九土

星分祿去公朝失諸侯之盟會政由梁國建天子之旌

旗士女同歎於商墟鬼神共謀於曹社公杜門屏跡心

不自安與門生故吏數百人歸於後魏宣武皇帝以客

禮待之詔除給事中假龍驤將軍正光五年兼彭城府

長史假節則將軍比於王濬長史兼於杜襲龍驤可畏

晉后任之於

集作
以

渡江騏驎不

集作
所非

乘魏氏

集作
皇

託之

於集作留府六年除通直郎散騎常侍中書侍郎求安

三年帝北巡遷撫軍將軍銀青光祿大夫散騎常侍散

騎通直起於天興之元中書侍郎始自黃初一作延之

和非

代宣王撫軍之號僕射光祿之名竒才惣於文武重任
歸於將相徐方叛逆以公為行軍長史兼統別部仍加

鼓節彭城宋邑海岳徐州嶧陽孤桐羽畎夏翟昔稱都

會今實邊陲魯伯禽始得專征周穆王遂行天討公手

執旗鼓坐謀集作帷幄以陶侃部分之明當阮孚戎旅

欽定四庫全書

文苑英華
卷七百二十一

三

之重有如荀美獨負逸羣之才不學江道空有連雞之

稱

集作
喻

徐州平遷黃門侍郎揚州大中正黃扉藹藹

集作

赫

青瑣沉沉有若張公之萬戶千門博觀圖籍太湖為

浸會稽為山若有荀勗之十郡一州詮藻人物累遷大

司農秦稱內史漢曰司農管夷吾陳不涸之名耿壽昌

立常平之議時播百穀后稷讓於虞

集作
唐

書阜成兆民

集作
人

列卿拜於周典普泰元年遷車騎將軍加右光祿

大夫永熙二年出為潁川太守人

集作
地

稱汝潁俗尚申

韓有鄭伯

集作國

之別都有周公之朝邑教之德化無囚

歷於八年

集作三年

任於

集作以

賢能旁潤踰

集作餘

於九里于

時齊武王居中作相實有遷鼎之謀周太祖在外持兵深懷事君之道昭公失位由季氏之執權襄王出居成

晉文之霸業三年秋八月武帝幸長安以義兵從順大

統元年授開府儀同三司封靈縣開國子邑三百戶金

堤石印清濟濁河爰賜土田以為藩屏漢之宰相始開

封邑周之列辟

集作侯

實兼卿士二年拜車騎大將軍九

欽定四庫全書

文苑英華
卷九百二十

年遷五兵尚書十年遷中書監領驃騎大將軍加開府儀同三司進爵為公增邑一千戶天子有詔不入軍門匈奴未滅不營私第蔡謨兼五兵之署

集作省

鄧騭比三

台之儀掌中書之綸翰加上公之冕服十六年遷侍中驃騎大將軍以下並如故昔惟常伯今則侍中切問近對拾遺補闕冕旒無象先問顧和玉佩

集作佩玉

不存即徵

王燦廢帝後二年公不賀出為使持節華州刺史侍中並如故桃

集作成

林國邑太荔城隍三秦六輔之奧區五

岳四瀆之襟帶倪寬之為內史唯事漑田薛宣之守馮

翊但知拱默

集作
垂拱

尋加特進餘如故官品第一朝廷

集作

當

朝所敬辟吏如五府之間班列在三公之後唐虞之繼

文德也稷契謨明於兩朝魏晉之順大名也裴王建功

於二代周武成三年進封青州齊郡公邑二千戶賜號

東岳先生詔曰堯有四岳朕惟公一人賜雜彩二千段

甲第一區雍州良田百頃其優禮如此堯命羲仲星鳥

嵎夷之官周賜姜牙穆陵無棣之境三王不襲同盟固

於泰山百代相因舊國傳於負海惟保定四年公薨於
長安私第天子罷朝羣臣赴吊喪用官給嗚呼哀哉五
年贈少保使持節揚光桂三州諸軍事揚軍事揚州刺
史諡曰貞公禮也公少丁外艱州黨稱其孝齊武皇帝
見而歎曰可謂吾家曾閔外祖太尉公王儉謂其子侍
中騫曰成汝宅相者在此孫乎公之北歸也後魏宣武
帝勅曰昔微子去殷項伯歸漢卿又得之於今公泣涕
橫流跪而對曰臣家國不造鼎祚淪亡進不能匡正退

不能死節今復

集作故

託身有道何敢比德古人帝因此

重之及周太祖作相西朝王侯之下皆望塵而拜公與

之抗禮太祖尤相敬待屢有諮詢

集作問

嘗從容曰國家

之子房也公體淳和之至性負廊廟之大才孝通神明

忠定社稷馬伏波來遊二帝晏平仲能事百君在魏則

賈誦荀攸在周則太顛閔夭惟司徒克慎厥始惟丞相

克和厥中惟公載德克成厥終三后同其政道子孫訓

其成式輝光助於日月德積廣於宇宙以某年月日葬

於少陵原國遷三代年移十紀杜當陽之碑石沉漢水
而無聞仲山甫之鼎銘入匈奴而不出曾孫皇朝右金
吾將軍同州刺史得照宏才大節玉振金聲入當天子
之右軍出臨帝京之左輔承積善之餘慶襲太宗之不

遷願述家風思傳祖德是用勒銘刻石

一作勒
刊豐石

相質披

文載於景鐘大夫稱伐之義書於太常諸侯計功之道
追題瓦屑鄭康成北海之門重刻碑陰張平子南陽之
墓其詞曰黃帝攝政勤勞耳目舉于版泉

集作居
于軒轅

戰于

涿鹿咸陽黜夏登壇受福表正萬邦纘禹舊服

其

逮乎

微子周之國賓降及蕭叔宋之懿親高祖丞相王迹是

因宣皇御史社稷之臣

其

太陰所立皇齊誕聖既創元

基仍集大命謀孫翼子重熙累盛天祿永終南風不競

其

惟公載誕克嗣家聲千丈多節三年一鳴待時而動

以族而行才歸晉國壁入秦庭

其

符堅拜首降天之使

陶豫策名勤王之事任隆起草榮高近侍赫奕禁門雍

容貂珥

其

日暮青瑣夕郎之職法駕畢陳黃門次直帝

王之盛成

集作咸

在農殖如京如坻我黍我稷

其六

吳王舊

國採山鑄錢公為中正佩以韋絃夏禹遺跡今來潁川

公為太守示以蒲鞭

其七

齊稱東帝周稱西伯諸侯謀王

天子下席公子忠義如彼松栢

其八

發自新邑歸于陸海

魏德雖衰天命未改功成晉鄭為而不宰寵茂山河於

是乎在

其九

亞夫真將去病元勳持兵對揖絕漠行軍尚

書武庫抑有前聞待中重席曾何足云

其十

當途遜位有

周經野三

集作二

國唐虞

集作非

兩朝裴賈出守馮翊人無

訟者受封于齊實匡天下

其十

晨占赤烏

集作鳥

夜辨黃

熊曾參易簣期於令終子囊城郢沒有遺忠明君

集作主

輟祭羣臣會同

其十

黃屋左纛輕車介士朝發桐鄉暮

歸蒿里積善餘慶由來尚矣公侯

集作之

子孫必復其始

三
其十

唐贈荊州刺史成公神道碑

前人

成氏之先有周之後姬文受命三十八王邴伯象賢二
十一代漢之少府國家維城晉之廣楊王室藩屏公諱

知禮其先上谷人也子孫避地徙闕曾祖休寧後魏汾

州刺史齊持進左右衛大將軍宇文朝江州刺史隋成陽郡公諡曰武勳格皇天澤充區域該備寵榮兼包命賜祖少遐北齊民曹郎中宇文朝地官上士襲城陽公建國之屬以訓五品以親百姓君父綽隋金紫光祿大夫唐深州刺史上柱國天子大夫金章紫綬天王使者皂蓋朱輪公誕保靈和受茲介福講之以學合之以和純粹以積其中文明以宣其外出於口者必是先王之

言萌於心者莫非君子之德戒慎乎其所不覩恐懼乎其所不聞豈時止時行左宮右徵在朝濟濟在家雍雍祇服弘業克丕堂構襲城陽公歷箕州平城洛州邯鄲二縣令武鄉里閔榆社隄封公宰平城日宣三德悲歌相聚袷服成羣分宰邯鄲雷震百里儀刑嘉誨範乎人

倫令問廣譽塞乎天壤將蹈九列平三階豈意

一作郡生或作

茂遂並非

太和交薄而天道難謀降年不永春秋若干以某

年月日終於某所夫人宜城縣主聖神皇帝之堂姊王

姬外館之長女夫人道峻於閨房名輝於邦國我大周
叙洪範作武成大賚而萬姓悅垂拱而天下理法號惟
舊制贈荊州刺史生則唐堯不用沒則周武追封為龍
為光有始有卒立名於後以顯其親反葬於周不忘其
本以某年月日歸葬於碣石恒山燕南趙北禮儀光被
宗族相臨大夫弔桓子之喪天子歸惠公之賵蘧瑗之
葬不害良田孔子之塋不生荆棘長子司衛少卿兼檢
校魏州刺史太辨中子左鷹揚將軍太方少子朝議大

夫行司漢主簿太琬等門承四代德盛三賢有終身之
憂盡生人之本壘冊褒贈宜宣無窮景鍾勒銘若古有
訓嗚呼哀哉其銘曰神岳之英大川之精如山之峻如
流之清行之斯立言之斯成登車發耀在邦有聲傳於
舊國舊國惟平宰于二縣二縣惟寧余聞舊說天鑒孔
明誰謂靈誕喪落淑貞永錫不匱克揚其名冊書光寵
沒有餘榮系曰列星垂象兮晒天光白露為霜兮沾人
裳彼蒼天兮殲我良列星垂象兮晒天暉白露為霜兮

沾人衣九原可作兮吾與歸

唐維州刺史安侯神道碑

李至遠

夫招搖東指寰區識天下之春溟漲北臨川谷有朝宗之地况乎皇明發而萬物覩天衢亨而四隩宅故以驟險浮深同文協軌者也若乃壤隣驕子家號名王握葱野之瑰竒漱蒲源之粹液井蛙自許既累嗤於越子風鴻且遇仍嗣美於稔侯則大將軍安侯其人矣侯諱附國其先出自安息以國為姓有隋失馭中原無何突厥

乘時籍雄沙漠侯祖烏喚為頡利吐發番中官品稱為
第二王庭雖跼方冠射鵬之勇帝鄉何遠空鬱衝牛之
氣父肫汗望日月於中衢奮羽毛於邊服勢同鵠起功
隨豹變貞觀初率所部五千餘入朝詔置維州即以肫
汗為刺史拜左武衛將軍累授左衛右監門衛二大將
軍封定襄郡公寄等連城榮起合壘析圭胙土時議稱
之侯運偶千年才標一日服太阿而善斷覽介石以知
機有顧鷄籠實懷先覺迺心鳳宸奚歎後予於是拔跡

泥沙翻飛霄漢亦以貞觀四年與父俱詣闕下時年一
十有八太宗見而異之即擢為左領軍府左郎將尋令
與鴻臚丞趙德楷諭旨於吐谷渾虜安鷓鳩之巢敢恃
螳螂之斧旅拒成命逼迫行人遇困加威脅舉步逢艱
阻侯以命有所繫靜以體之節不可失貞以守之雖弦
矢屢移而鐵石無改既而加兵一盪凶氛四徹竟獲全
歸僉以為蘇武鄭衆不獨高於前代矣璽書歎述遷本
府中郎將賚布帛五百段又加秩為忠武將軍行本職

十九年太宗揚鑿暨撫清海俗於三韓駐蹕聊麾駭天
聲於六漢侯公參末將績預深涓

一作元戎

詔論功授上柱

國封騶虞縣開國男食邑三百戶永徽元年拜右領軍
將軍餘如故荷元天之廣運承湛露以晞陽蒲壁開南
面之尊蘭錡盛北軍之寵門驅駟馬匣紐雙龜薄暮歸
來輝光不獨於三子辨色而入前後方參於五侯疊蓋
流軒徽枝岌業足以震輝都鄙謳謠氓庶尋丁定襄公
憂執喪無替於少連讓爵自先於季札及其字人按部

和風布政使幼艾不懷曾渠不驚非樹其長莫諳其俗
以此高乎兼本官復拜為使持節維州諸軍事維州刺
史朝咨良牧之能物喜吾君之子入虔戎政縟共宿於
星廬出變夷歌扇重暉於日域龍朔中隨府易名政

疑作

改

為左戎衛將軍總章年進為右戎衛大將軍刺史勲
封並如故日觀崇巖雲封峻霄三五之聲已邈八九之
跡難追天子潔壇場䟽圭璧報功崇德騰茂實於石間
侯亦勵熊羆從金鼓前清後禦罄忠勤於玉帳咸亨初

追討斯闕仍本封進爵為子加邑四百户方當降錫上
罇行昇右地嘯洪崖而自狎揖浮丘以曾舉而殷相肇
夢晉寢成妖古謝今形仙禽致是非之難寒凝暑退大
椿屬搖落之期哀哉奄以調露二年二月十八日寢疾
終於神都春秋八十有三永隆二年二月二十三日葬
于雍州長安縣孝悌鄉之原禮也惟侯緒茂膏梁基循
鼎胄絳河潛潤每孕傾都之寶丹野成章必矯冠羣之
翼弱便英邁長實弘遠劔連三街道蒙史一作吏是以前驅

德包五善揖楚臣於下席從吾所好方盡銳於戈矛在
物或遺故無資於筆硯加以動會規楷性非因習泣畫
象於離宮真資孝敬感飛泉於異域雅蹈忠誠利以義
通功以濟物故能夙攀閭闔函奉鈞鈐効心膂於中年
享高明於暮景左右深率從之竒始終無纖芥之隙行
師則訓兵以律受任則執禮無違非才優體二道恭感
一惟微惟熙至公至平者疇能與於此哉悲夫琴心輟
奏去高堂而不留筮氏觀龜創幽窆而期兆鼓秋風於

古樹誰識將軍思白日於荒隣空懷中散賓御替兮寒

野暮池館靜兮浮雲陰可作無時與歸何想長子故右

玉鈐衛將軍北平縣公思祇

一作斌

藻身淑慎流聲奕葉

繁滋遽委危露先飄次子魯州刺史思恭等趨表闕以

擗心涉禮庭而收泗薦蘭之誠徒切集蓼之哀永萃思

所以髣髴

一作心訴

形容揄揚清懿託問詞於廣陌播雄名

於大隧迺為銘曰

閨風透迴河氣靈長於昭化毓實延英芳稜飛玉塞勢

軼沙場家承有土祚歷無疆分源何從揚颺南入

一作急

削衽荒庭殺凶大邑孝乎何取忠焉是襲花綬遙遙雲
冠岌岌數命河首逢羈海裔雲天變色鄉關無際虎噬
徒交壯心益勵卒延哀謙豈嗟拘滯作固蘭陞仍分竹
符盟申帶礪禮盛傳呼巖廊夕警祕宇晨趨還便後殿
出必前驅本枝隱蔽宣條求瘼惠起人謠清惟主諾野
乃聞勞門非藉惡是聽夏聲諳知戎落旋增厚秩亦追
崇封逸豫斯扈

一作邑

車服以庸庭紛舞籥室韻歌鍾寧

悲昊景遽落高峯梁木

一作李

應悲井田俄殞廣川去楫

修途廢軫條兮已喪蕭兮而盡神乎不測天乎何忍永
背青臯既安玄夜泉臺構壞山門反駕野吹方噎榮輝
不借德雖隆於九原神豈奄於萬化

唐河州刺史冉府君神道碑 張說

昔者堯舜既沒文武將墜天縱孔聖誕敷皇極於是乎
恢六藝而正王道舉十哲而闡微言雍也為德行之目
求也為政事之首吾見乎龍翰鳳音

集作雜

百代而共貫

虎符犀節重世而增華明德之後知其必大公諱寔字
茂實其先魯國鄒人也古天子有相氏宅于相土實曰
冉姓蓋氏族之興舊矣不常厥所今為河南人焉五代
祖睢陽公諱道周尚齊南康公主位平南將軍散騎常
侍荊州刺史信州都督高祖諱軫任梁太子左內率荆
州刺史齊梁之間荆巫重鎮世善其職江漢宜之曾大
父義城公諱黎在梁雲麾將軍湖州刺史入周拜驃騎
開府儀同至隋開皇中為旭州刺史太父黃國莊公諱

安昌隋啓平城祚之穀壁唐分蜀國瑞以桓珪其後改封於黃授信州刺史歷潭州惣管贈夔州都督烈考天

水郡果公諱仁才秩金紫光祿大夫婚皇室漢南縣主

涇浦

疑作蒲

澧表江

集有陵字

永凡六州刺史偉矣哉承家善

慶歷代名臣風流載於史官勲業藏於王府公即果公

季子天王自出內稟胎教混成之姿外被門風式瞻之

訓從容合度次造皆法生而知之孝悌也學而知之禮

樂也德義如山文章如泉縉紳之士仰焉宗焉弱冠太

學生進士擢第遭家不造府君捐館五日絕漿三年泣
血雖麻葛就禮而樂棘加人服闋調并州大都督府參
軍事丁太夫人憂過哀終喪有如前制應八科舉策問
高第授綿州司戶參軍轉揚州大都督府倉曹參軍又
舉四科敷言簡帝除益州導江縣令鴻漸二鎮翰飛三
蜀府中之孫子荆郡內之岑公孝用能據淮距海我庾
如坻岷山導江入境先歎加朝散大夫除鄜州長史仍
加關內道支度使去青城之洞府來白帝之廊祠命服

有輝使車何重除婺州司馬入謝于武成殿主上以邊

庭有事喜問陳湯宣室清言思逢賈誼公

集作

上對醞

籍謀慮深長眷甚前席恩加後命因改恒州長史于時

四鎮未復三

集作

蕃猶梗屯田遼塞戎馬生郊代郡藏

符臨冀北而誠重漢家張掖比西河而還輕乃徙拜涼

州都督府長史仍知赤水軍兵馬河西諸軍支度使地

壯伏龍城雄飛鳥位居半刺史惣全邊公仍利溝洫懋

蔗藁序芟藁積糗糧均轉輸程力役寬御悅使授方任

能人胥忘其久勞兵不遠其長戍

集作道

雖金方氣候

集作

映

風雨

集作雨雪

不交之地磧路沙靈草木不植之所莫不

豐滯穗於垆牧厭甘瓜於戍時朝廷賴之遷使持節河

州諸軍事河州刺史仍知營田使崆峒連五郡之壤積

石控九河之源公夙奉皇華政聞行路

集作露

高車未至

闔境相歡既見君子溫其如玉率性仁愛由衷易簡推

是心也物感斯應覩肅恭而無競見禮義而興行不言

而庶事熙非教而羣下順故得大田多稼人知歲豐餉

軍廩師處勤餘裕計偕入朝侍宴於長壽殿上謂公曰
河州軍鎮要衝屯田最多卿以足食為心朕無西顧之

憂矣侑以綵幣錫以文袍

集作
袞

及公還州也璽書勞勉

王人相繼國家經

集作
徑

流沙梁弱水收西域護南庭連

百里之兵以濟事於外不一日而乏者則公之力也無

駭入極可謂費瘁父勝之杜預平吳蓋知羊叔子功爾

宜登元老作貳大朝止于邊服實孤人望享年七十有

一證聖元年二月十日寢疾終官舍天子悼焉凶費喪

歸悉命官給是日河湟耆老山谷羌夷反首務面號奔

州邑雖國亡子產吏哭祭遵豈能

集作云

過也愷悌之化

人之父母及其沒也哀亦如之信矣夫夫人金城郡君

隴西李氏江夏王道宗之女也宜此象服爛其盈門嗣

先姑之徽音立庶姬之範則薜華前落藁瘞城隅以證

聖二年正月合葬於河南之定鼎原禮也天使馬悲啓

滕公之室人看鶴舞閉玉女

集作玉母

之墳松栢接於邛山

丘陵對於伊闕石麟將鬪華表何年有子曰祖雍景龍

初擢給事中兼侍御史內供奉追惟皇考孝于奉親忠
于事君恭於立身惠於臨人物是四行旁通具美貽厥
孫謀以燕翼子故老之口既絕竹帛之文又滅揚名兮
柰何刊石兮來裔詞曰

倬哉冉氏世有仲弓鐵冠繡服給事於中克昭遺懿樹
之家風於皇嚴孝高明有融德罔不遵藝何不涉嗣武
先正思文載叶建旗千里逮君六葉龜顧印房虵盤綬
篋官以勤積業因時峻宰號神明掾稱親信驥足既展

軒即

集作亦

軻邦國海康京師河潤出車西域我君謨

集作

謀

之屯田北假我君穫之六軍有饋其誰度之一人無

憂其誰樂之猛獸避德均遷所涖靈鳥依仁霸昇執事

以今視古名齊績類天不憖遺山頽此位隴首回望秦

川斷腸吏人攀縵哀厲隨喪虛靈奠野行臨帷堂廟立

邊郡魂歸故鄉王姬祔葬禮之終也水合蛟龍墳同石

馬地積霜露烟攢松檟千載九原高碑淚下

文苑英華卷九百二十